

牧

齋

初

學

集

牧齋初學集卷第一

還朝詩集上

起奉昌元年九月盡一年

九月初二日奉

神宗顯皇帝遺詔於京口成服哭臨恭賦挽詞

四首

竹符頒郡國王几罷音徽率土悲風動數天泣
露晞清霜明祕器紅葉掩容衣慟哭江城暮秋
茄起落暉

其二

太妊胎而教甘盤學後臣

指江陵張相

營齋嘗念母

步禱爲憂民靜攝周函夏分封斷鬼神南郊傳
累德哀策屬何人

其三

在宥羣方理高居庶物新天爲摧醜虜

關白平秀吉自

斃地不愛金銀

言閑操之役

楊柳深宮月梧桐別院

春昇平多故事載筆詢遺民

其四

北極升遐日南徐慟哭時攀髯生有願臨穴死
無期侍從朱衣隔臚傳玉筆遺奔喪吾豈敢亦
欲報恩私

九月十一日次固鎮驛恭聞

泰昌皇帝升遐途次感泣賦挽詞四首

御極恩方布登遐詔已刊生存臣子恨死孝
帝王難鳳闕秋霜滿龍樓夜雪殘見星吾敢後
慟哭向征鞍

其二

妖星頻貫掃白氣久纏綿將作荒三殿

上詔修三殿

材官哭九邊

上登極卽餉九邊二百萬

起居宮掖祕清削御

容傳國史徵何代三朝并一年

時至議改元未達驗年之禮識

者卒以爲譏

其三

丹地飛章日青宮側席時憂危宗社竝訶護鬼神知禁近終難問彌留竟可疑盈朝董狐筆執簡欲何施

其四

憑几將傳命垂衣尚視朝重陰才見曉偏雨不崇朝德自三旬著功難百世祧吾君幸有子十六誦唐堯

嫁女詞四首

余初登第旋奉先人諱里居奉母垂十有一年

乃詣闕補官是時 神廟上賓國論喧騰遼寇
隳突別母北上中心惻愴而作是詩也

中堂何喧闐明燭耀銀缸箱簾啓萋萋刀尺聲
琅琅大姊裁羅襦小妹熨袴褶鄰女贈錦段雙
雙繡鴛鴦阿母髻婆娑篝燈理中裳阿母向我
言撫汝嬌且長十載遠汝家頻頻類娈嬖輕軒
宵在門重整嫁時裝女行欣有家阿母心內傷
牽衣告阿母背指燈燭光女身如明燭影在阿
母旁

其二

有家亦云久結縭在高堂云胡背君子不得奉
尊章歸寧十餘載道路阻且長欲絕忍棄捐欲
往河無梁戰身事慈母顧影守帷房獨坐親圖
史行步施珩璜懷哉采芣詩誦彼浥露章豈若
魯潔婦陌上行採桑菟絲生陂田終不慕高岡
芙蓉悴秋風其名爲拒霜我生不有命胡爲怨
空床

其三

空床雖獨守終然念所天主人良高臥臧獲偷
晏安薪突誰與徙井曰或不完祭祀廢春割寇

盜隳牆垣百憂攪我心逼遘不得言槌床復倒
枕豈爲兒女歡終身一與齊棄捐永相關況我
非棄婦何能不沈瀾不見漆室女倚柱起長歎

其四

長歎亦何爲會合當有期懷君雙明珠中夜生
光輝沈淵何足悼光彩諒不虧縞衣與綦中理
我嫁時衣絃服及春風何能待秋時醜婦憎明
鏡衆女疾蛾眉琴瑟貴靜好閉戶理朱絲行行
遠阿母回頭涕漣漣翩翩辭歸燕向我飛差池

吳門寄陸仲謀大叅

步櫟相呼倒接離東阡南陌夜歸遲檀槽奏罷
翻新曲樺燭燒殘覆舊棋燕賞花時無主客催
徵酒社有文移謝公底事情懷惡只爲中年有
別離

渡江二首

京江南北路不到十餘年歲月看如此風波意
眇然浮生催渡客宦況釣魚船何事眉山老歸
期只問田東坡金山詩云我謝江山
豈得已有田不歸如江水

其二

山城如畫裏一櫂亦悠哉鈴塔晴相語魚龍靜

不飛澄江千嶂見秋水片帆開約略金山寺會
聽粥鼓來

儀真西十里褚家堡公館壁版晉江李伯
元作修館記其文有宋元名家風致李未
嘗以文章名於世其文集亦不傳感而題
其後

漆版摩娑字半湮蟲絲鼠跡暗承塵文章頗似
褒城驛可有停車點筆人

過清流關讀尹二員外

嘉賓

題壁詩云莫

道時清關失險勇夫重閉自春秋歐陽公

曰漠然徒見山高而水清其意尤可感也

輒書短歌繼之

南滁介恃江淮土清流一關作門戶山環徑複
路研然萬馬盤空忽軒舞關門懸雷通并幹透
迤中原去莫捍臨濠王氣芒碭雲後却前迎勢
凌亂我來吊古清流關升關四望山孱顏山高
水清如昨日戰壘剗削沙蓬閒清流失據暉鳳
死十五萬人刳羊豕降已分樹石頭釣絲何
用量江水承平天地無北巾車春糧從所適
勇夫重閉自春秋尹生之言使我憂

過滁州懷李三長蘅長蘅偕上公車愛滁
陽山水有異時吏隱之約故及之

十五年前再往還停車猶記竝開顏風霜宛爾
如君秀泉石依然笑我頑行役總歸鴻爪跡懷
人仍在馬蹄閒環滁官舍琴臺畔拄笏知誰解
看山

南滁望滁陽王廟遂趨臨濠道中感而有
述

我車出南滁遂走臨濠道帝鄉多白雲王侯盡
宿草緬懷滁陽王一旅起傭保真龍潛魚服椒

塗附蘿爲家人畜 帝后 天子呼翁媼遺業
資龍興殘軀沒雲擾廟貌良已隆血胤終莫考
麗牲碑版傳立馬墓田杏嘯歌感牧豎惆悵詢
父老我觀草昧初羣雄覬大寶逐鹿分犄角探
龍競鱗爪真人信天授詎能一劒埽牧羊蕩秦
灰銅馬啓漢造赫赫高光業驅除豈云小滁陽
追王陳亳都紀年渺史存有諱忌國往無繼紹
故事亥豕譌殘書蠹魚飽善哉秦楚際遷史著
月表寄語石室人放失事搜討

臨淮田舍題壁贈王鶴年

坦腹便便胷十圍鐵衣拋却臥牛衣恨君不度
三岔水生取

歸

彭城道中寄懷里中游好次坡公在徐寄
邦直子繇之韻四首

少小論交杵曰閒十年漂泊共郊原燈窓颯颯
秋風急簾閣蕭蕭暮雨喧笑口嘲轟中角塾書
籤狼藉酒杯翻停車欲作相尋夢睡眠眼揩時淚
已吞

其二

臺頭急雨懷邦直東閣淒風對子繇偶到彭城

尋舊事轉於行役起離憂竊紅吾谷楓霜蚤收
淥西湖荻水秋料得諸君嘗共醉不知曾詒阿
儂不

其三

料峭西風汴泗閒江東應念袂衣寒軟紅三尺
新閨夢嫩綠千章舊釣灘拂水鶯花春寂寂彭
城風雨夜漫漫情知五百年閒事銅狄摩娑不
忍看

其四

十日京江不滯留故人趣別我先憂
髯鬢喜作

班荆語短許空期彈鋏游擁髻風情傳後閭胡
床談笑憶南樓掉頭終擬隨公等浩蕩春波戲
白鷗

徐州雜題五絕句

彭城十日水奔流太守行呼吏卒愁河復詩成
無一事羽衣吹笛坐黃樓

其二

重瞳遺跡已冥冥戲馬臺前鬼火青十丈黃樓
臨泗水行人猶說霸王廳

其三

柳老花殘木葉秋西風斜日總牽愁天涯大有
多情客不忍經過燕子樓

其四

磨盤嶺過出淮東捍索如雷百丈洪陸走要知
山下路舟行莫使滿颿風

要知山下路莫使滿
帆風皆是語

其五

鴉軋爭看濟渡舟人如鳬鴈集汀洲褰衣減蹠
君休笑自古黃河是濁流

丁未春與李三長蘅下第竝馬過滕縣貰
酒看花已十四年矣感歎舊游如在宿昔

作此詩以寄之

滕縣春來花萬樹花白花紅夾煙霧交加嫩紫
欺艷陽灼爍繁英炤日暮今我來時秋已老柳
禿槐黃隕霜露風雨依稀下第身鶯花指點停
車路與君過此十四春日月如梭事錯互青春
作伴更幾迴紫陌看花是前度花開花落下咸
谿征人合沓從此去花前掉臂去復來縱見花
開有何趣羨君真作淡蕩人閒卽牽舟湖上住
山僧扣門分盤餐榜人刺舟乞絹素西湖煙水
收淥波靈隱霜林放紅雨征途茫茫君倘憶清

夢悠悠我難赴推尋舊跡如見君花白如銀咏
君句長蘅寄余詩云穀城山好青如黛滕縣花開白似銀沈吟感歎日欲
西爲君酌酒田文墓

鄒縣謁孟子廟

巋然騶國里廟門鎖蒼翠鬱盤千年宮檜栢留
浩氣末學紛壇墀講堂開馬肆妾婦充朝著從
橫樹師帥獲禽良已詭率獸一何恣嗚呼七篇
書無乃墜於地棟宇自古昔誰與任塗墜下車
淚泫然再拜濕階祀

大風發穀城山

驅車穀城山，剽風旋如塊。厓端殷崩雷，石角噫
衆籟。合沓饑鷗號，排蕩飛鷁退。首塗失西東，亭
午轉冥晦。天窄危徑裏，日蕩浮埃外。輿諄徒侶
錯，馬旋尾鬣對。跼步蹴石根，却行壓人背。登頓
鳥道半，經亘蟻封內。歇鞍方問塗，息肩始一喟。
行看日車斜，坐喜坤軸在。行邁固有時，冥升信
多晦。善哉前車戒，斯言旅人昧。

發荏平過高唐州

今日宜行旅，天清日融融。徒御行且歌，人馬欣
相從。朝發魯連邨，却過平原封。顧此風日美，念

彼道路窮駕車役童豎束燎責老翁袒肩驚肉
鞍頓足嗟骨舂弓劒趣傳遽竿牘疲郵筒使車
風颯沓飛騎塵冥濛民勞思小康財盡歌大東
嗟我亦何人晏坐安車中

河閒城外柳二首

日炙塵霾轍跡深馬嘶羊觸有誰禁劇憐春雨
江潭後一曲清波半畝陰

其二

長條垂似髮鬢拂馬眠衣總不堪昨夜月明
搖漾處曾牽歸夢到江南

修宰餉刁酒戲題示家純中秀才

刁酒沾唇味許長
河閒才得一杯嘗
儂家酒譜鄉知不
記取清甘滑辣香

其二

北酒盈尊菜滿盤
每因西笑憶長安
如今又想南茶喫
悔擲槍旗上馬鞍

和范致能燕山道中絕句八首

吾郡范文穆公

成大

以乾道六年使金自渡淮

至燕山塗中有絕句詩一卷自白溝河抵會同館凡八首則余入畿南所經歷道也吊古憂時

感歎天水金源遺跡援筆屬和情見乎辭庶幾
效矇瞽之義焉

白溝河

范詩注云在安肅北十五里間

才丈餘古亦名巨馬河本朝與遼人分界
處

遼宋分疆一線流白溝人說是鴻溝兩河三鎮
全輸却殘局休論十六州

范陽驛

范注云涿州驛牆外有尼寺二

鐵塔夾塗如雪俯瞰驛中

朔漠風來語鐸鈴浮圖如雪夾郵亭使臣中夜

頻欹枕替戾岡音或可聽

琉璃河 范詩云琉璃河上看鴛鴦注云
在涿州北三十里極清泚茂林環之尤多
鴛鴦千百爲羣

花石綱殘花鳥稀乾千山雀幾時歸琉璃河上
乘輶客愁見鴛鴦對對飛

灰洞 范注云在涿北燕南之閒兩旁皆
高岡無風而塵土全集不辨人物

燕南涿北殺愁人灰洞無風自起塵一片江南
圖畫裏西湖秋月石湖春

良鄉

范注云燕山屬邑驛中供金栗天

生子皆珍果又有易州栗甚小而甘

攬轡嘗新一歎嗟山梨易栗帶胡沙宜春小苑
芳菲日苜蓿葡萄屬內家

盧溝

范詩云草草輿梁枕水低蓋文穆

過時此橋尚未甃石

已割燕雲却罷休使車容易度蘆溝桑乾河水
輿梁下依舊長流繞汴州

蹋鵝巾

范注云金接伴使田彥臯所製

蓋胡服也

鴟鵂貂鵂總紛紛中幘何曾遺去虜人罔使南
來恭謝北不知誰戴蹋鴟巾

會同館 范注云燕山客館也遼人館本

朝使已謂之會同館

攬轡乘輅使指同

攬轡錄致能使金所撰也大
中祥符路探使遼有乘輅錄

燕賓館宇雜華風會朝青海班三恪莫訝胡兒
說會同

附錄舊詩

吳門送福清公還闕八首

甲寅

都門祖帳藹如林却望彤墀淚不禁出處頻頻

明主念安危何限老臣心夢回漸覺朱衣遠身
退初知白髮深林下有人君側少知公未忍說
投簪

其二

上帝高居儼肅雍中書退食敢從容舉朝水火
和羹苦于野玄黃戰血重四海憂來頻緩帶隻
身朝罷每扶筇可知報主心如醉久矣愁聽長
樂鐘

其三

介圭爭望錫河山忍聽優歌枯苑閒春盡親王

將就國夜分御札尚封還赤心自慙縈千折丹
地頻驚扣九關羽翼已成商老去漢庭容易點
朝班

其四

聖母上賓遺詔出普天閱讀淚并流楚宗係累

泣相見

高廟衣冠欣出游

楚宗因高牆十王餘年至是得釋

几自天親改削珠厓何日罷征求

詔條列捐礦稅一款上

御筆

如椽大筆盈懷袖莫忘山東父老憂

其五

甘陵南北久分岐鵷鷺雍容彼一時抗疏有人

盈瑣闥顧名無闕省果恩半怨李誰家事白
馬清流異代悲八載調羹心赤苦臨行諄復外
庭知

其六

傳宣鈴索待中宵夙夜寧知帝座遙自分朴忠
要聖主何煩激切擬先朝之國時大臣相要伏闕公不可丹
墀虎豹紛相伏白簡魚龍莽自驕擗擋篋箱留
諫草欲令惇史記唐堯

其七

拂衣歸揖武夷君九曲僊山帝許分釣碣自

携新煉石臥床還弄舊書雲朝班改隸三元會
錫命裁成十賚文斗柄瞻相仍在手幔亭光氣
夜氤氲

其八

閩海爭傳岳降神匝天弧矢護生申契丹使亦
知无老回紇占應見大人代許孤忠留一柱
帝思耆德撫三辰吳門咫尺鄰閭闔珍重東山
五畝身

繡斧西巡歌四首爲徐季良先生作

乙卯

繡斧西巡不暫停猿啼宇怨蜀山青胡床襍被

蕭然去片石留爲劔閣銘

其二

熒霧巴煙蜀道遙每瞻參井歎中朝知君未愜
澄清思又過清江萬里橋

其三

清時指佞豈塗窮
眊筆看他御史驄
莫道一鳴都斥去
能言鸚鵡在雕籠

其四

監察繇來比蜀椒
不應開口在中朝
遷官解道如甘子
甘子心頭苦自饒

夜泊潯墅關却寄董太僕崇相四首
戊午
潯墅關前薄暮過孤裝窮客免譏訶
榜人莫訝逢迎少
津吏繇來殿最多
同年生推
過雨洗鐺
軒慧水迎風倚櫂
按吳歌
十年漂泊中宵夢
怕聽霜林振鳥窠

其二

闔廬城下雨蕭蕭
有客方舟共策遼
謂崇相也
直北總憑山海障
自東莫斷懿河腰
鑛刀可忘降夷
狡賜劒還防宿將
驕更說天街多客宿
起占箕尾坐中宵

其三

吳兒誰復說韓徐
勛業空傳琬琰書
近見閩中董應舉
頗推吳下呂
純如身經海道千盤險
血濺貂璫十指餘
但使羣公皆女輩
不才甘自老樵漁

其四

宿火熒熒冷不除
酒溫時復點殘菹
更長細聽關門柝
燭短麤繙海漕書
下水帆幙過越嶠
中宵絃管接姑胥
清平時節繁華地
襖被孤蓬信所如

疊前韻荅何三季穆

通籍金閨數載過閒門羅雀省人訶春心駘蕩
花閒少秋髮繽紛酒後多但說艱危三太息每
逢朋舊一悲歌五湖只在蒹葭畔漁火衝寒警
鴈窠

其二

衝車格格馬蕭蕭天下徵兵盡度遼係累行人
傳禿節參夷降將詫橫腰每憂畢口星非舊誰
禁苑頭氣不驕報國自慙無一寸坐聽瞽史度
寒宵

其三

年來災沴逼楊徐碩鼠會占草木書

有羣鼠渡江之異占

在草木子

湖海憂危惟汝獨菰蘆豪傑更誰如燈窗

俛首心堪折書案籌邊淚有餘春暖洞庭蝦菜
好可能削跡共佃漁

其四

氛祲冥冥歲逼除行吟自採澤邊菹星占未解
靈臺奏雲物真慙太史書鐵鎖樓船還建業龍
衣御酒自姑胥裁詩共有河山淚感激飛騰我
不如

除夕再疊前韻和季穆寄黃二子羽之作

兼示子羽

除夜閒門冷落過桃符土梗也相訶禰衡姓氏
投入少韓愈文章逐鬼多幕燕頻煩春社語却
難愁絕夜分歌五行記異憑誰驗鸛鵒年年識
舊窠

其二

隕霜猶未殺管蕭約略年光轉沈遼低亞梅花
先索笑欠伸楊柳欲舒腰冰侵綈几書籤冷衣
覆香篝侍女驕煨芋焚枯吾事足莫將風雪厭

寒宵

其三

黃簾綠幕漏徐徐短檠頻挑夜勘書
執苑叢殘根莠在文人凋謝槿花如金華絕學吳黃後

金華

謂宋文憲公吳淵穎黃文獻文憲之師也

太僕遺編歐柳餘

謂崑山歸熙甫

寄語吾徒須努力張羅休效一囊漁

其四

殘雪流澌入礪除歲華荏苒度鹽菹人情簡點
惟除目世事參差似曆書仕路無因同鼠穴儒
生何計勒狼胥眼中二子非凡鳥且共翱翔尺

鵝如

牧齋初學集卷第一

牧齋初學集卷第二

還朝詩集下

起天啓元年辛酉盡四年甲子

入朝有作呈詞館諸公

朝朝待漏侍金輿
往往衝寒對玉除
每向候人分宿火
却隨堂吏憇周廬
長鳴共苦籠雞早
夾立爭看仗馬如
傳語詞垣數君子
冰銜三字不堪書

送兵部董侍郎

漢儒

總督宣大二首

幽并兩道建牙中
列帳蕭然靜朔風
千隊市場來種馬
百年御幄護槐龍
軍前揮扇油幢碧
閣

裏傳籤畫燭紅插漢一山屏障外更煩前箸策
遼東

其二

素囊游牧近雲中挾賞連兵勢漸雄併鎮規圖
傳往牒嘉靖中宣大山西督撫有三鎮併守之議擺邊殘卒臥雕弓
中朝但出金繪計胡婦頻仍玉冊封屈指中興
功第一雅詩吾欲嗣車攻

送劉編修

鴻訓

頒詔朝鮮十首

鴨江水綠兔山青鴻範猶傳舊典刑新傳五行
歸論奏清朝訪落待橫經

其二

復國威靈薄海濱
龍承虎節炤青春
東藩遺老爭垂淚
又見神宗舊史臣

其三

金函玉節日邊行
遼海榮光接漢京
黑水殘波休作浪
黃河已爲聖人清

其四

七略傳書在漢庭
高文典冊竝崢嶸
皇家不用閒詞賦
未許雞林識姓名

其五

箕子墓對檀君祠墓前山色滿城陴知君繫馬
無窮思正是春風麥秀時

其六

平壤城邊戰骨叢更聞麗婦哭征東熙寧雅樂
君須訪兼采夷歌備國風

宋熙寧中命樂工采樂於高麗

其七

寶文清燕集襟裾飛閣臨川類石渠試按圖經
問遺跡輜軒莫忘訪遺書

寶文清燕皆高麗秘閣臨川閣其聚書籍

之所

其八

屬國山川斥堠連咨諏命使豈徒然圖經舊說
宣和好不載陪臣贈和篇宋餘競有奉使高麗圖經本朝使臣創與
陪臣訓和議者以爲失體

其九

逆奴四路拒王師一鼓兼聞創屬夷應有

聖朝哀痛詔滿城忠義鬼先知余議頒詔朝鮮當草哀痛詔致

祭東征陣亡屬夷而閭部無言及者

其十

自古論兵貴伐交出奇左掖搗奴巢詞臣歸獻
平夷捷并與衰遲一解嘲東使余以次當行謀從東出奇兵搗奴老

樂劉行余遂寢其
議故未章及之

昌平州唐劉去華故里

不見前朝諫議祠春風古道長茅茨千秋流恨
成甘露兩字驚心是北司烽火中宵傳紫塞風
霾盡日望彤墀登朝自顧顏何厚歆枕明朝鬢
有絲

清明日陪祀

定陵恭述二首

紗燈玉斧儼垂旒慟哭珠襦閤一丘是日清明
射楊柳經年寢廟長梧楸金銀氣白二泉曉環

珮風清別殿秋

今上移宮之後鄭貴妃退居一號殿

望裏香山神

御在衣冠還竝兩宮遊

其二

清秋灑淚送宮車
雨露今陪秩祀初
路寢裳衣

憑几在新宮
楹桷考工疎

寢殿柱下流赤水如血見者異之余謂此

將作之過非災異也

深居尚想神光杳
末命如傳燿火餘

報稱十年違侍從
嘔心應在

定陵書

恭謁

長陵

文皇神武唐宗後
靖難功成戰血殷
鐵騎至今

趨朔漠王衣終古鎮燕山峯迴屏障諸陵拱日
落旌旗萬馬還

姚榮靖卜長陵云勢如萬馬自天而下

前後北征

多侍從承平忝竊史臣閒

西山道中二首

上陵何美得幽期夢裏西山慰我思泉石雨枯
惟有骨鶯花春老尚無姿歸鴉禁鑰愁偏急羸
馬斜陽喜竝遲來往鷓鴣紛接武祇應倦羽獨
差池

其二

望裏青山開復遮數峯缺處有人家溝渠流出

垣牆水籬落飄來禁苑花夕炤對銜宮樹直晚
風旁掠酒帘斜軟紅塵土原如許一入東華便
可嗟

碧雲寺

丹青臺殿起層層玉碣雕闌取次登禁近恩波

蒙葬地內家香火傍禪燈

西山諸寺皆司禮大奄葬地香火院也

豐碑鉅刻書元宰

諸奄碑版皆館閣大老之文

碧海紅塵問

老僧禮罷空王三歎息自穿蘿徑拄孤藤

香山寺

千峯匝匝更分明礧複岡迴一徑清天遠夕陽

連海色山空晚院聚鐘聲雲從石磴中間出月
向香臺下界生萬疊煙巒欄檻外不知何處與
身平

其二

仙仗宸游杳莫攀夕陽騎馬歷孱顏來青禁扁

傳

金母

來青軒扁
聖皇太后御書

秀色

香山動

玉顏

神宗幸西山顧謂侍
臣香山獨有秀色

佛火自依新月上齋鍾猶

出莫雲間

定陵松栢呼風急知有神靈扈從

還

經筵記事十首

綈几牙籤進御初 天顏肅穆不曾舒案頭回
得 重瞳眇白髮詞臣跪展書

其二

元老延登講幄新文華祕殿啓埃塵袖中儀注
中官訝嘖嘖詞垣尚有人講筵初啓中官聚語
譁然余講論儀注出
之袖中頗
爲欽容

其三

初日曕曕炤直廬兩行山立聽傳呼侍班卿相
皆元老直殿將軍是武夫

其四

文華後殿軟輿迎九五齋中對穆清今日講官
誰稱旨東班庶子最分明

是日高陽公
進講誠意章

其五

儒生今日近 天家銅尺書籤壓復斜歸去天

香滿衣桁袞龍袍袖正交加

展書官袍袖每被
拂即衣先輩誇爲

儒臣
至榮

其六

棕棚東掖拜恩榮列俎雕盤法酒清不比尋嘗

賜茶飯人言 天子請先生

其七

御氣氤氲繞玉皇西清旭日射衣裳侍臣身在
鑪煙裏頒賜何煩漚手香展書官內府頒賜漚手香今不可得矣

其八

金鶴鑪然異域香侍臣却立正相望如今鶴去
人猶似引頸無言 御座旁金鶴香鑪下展書官對立之處今鶴

爲人盜去不問

其九

天矯槐龍想王除槐廳無復史官居蓬山芸閣
吾能說只是閒窻讀道書

其十

宋室西羌縛鬼青
邈英書殿正橫經
遼陽會獻奴兒馘
定有神書撼索鈴

寄東江毛總戎

文龍

鴨綠江頭建鼓旂
間關百戰壯軍威
青天自許孤忠在
赤手親擒叛將歸
夜靜舉烽連鹿島
月明傳箭過鼉磯
紛紛肉食皆臣子
絕域看君臥鐵衣

春日過易水

驅車信宿驛程閒
雙鬢蕭騷春又還
易水到來偏易感
酒人別去更相關
暮雲宮闕愁心繞
落

日衣冠古道閑老大不堪論
劒術要離墳畔有青山

癸亥元夕宿汶上

薄靄春泥黯黯吹一燈風雨夜何其愁依短檠
聽更漏悶撥寒爐記歲時好景良宵渾棄擲暗
塵明月費尋思猜殘燈謎無人解何處平添兩
鬢絲

甲子秋北上渡淮寄里中游好

登車感感騁何方歎息虛名愧服箱世上癡兒
難了事吾曹小子自成章丹楓數里明殘照紅

柿千林熟早霜拂水西湖釣游處定知清論滿
滄浪

其二

少壯真非把翫時俊游今已歎衰遲
逃禪定入遠公社乞食還過漂母祠
悶對秋鷹藏老手閒臨春鏡簡新絲
天涯我亦憐同病落日蒼涼有所思

其三

世事閒來細忖量不如高臥味差長
楮牙牙陷多奇疾食宿相兼乏好方

東家子富而惡西家子貧而美聖女謂其

母曰欲東家食西家宿也細雨秋蠅尋舊冊微風春燕試新粧故人別後應憐我頭白關山一夜霜

其四

千年王氣萃汾榆渦口淮流竝拱趨禹會於今朝玉帛霸朝空自斷上朝岡有王氣命斷之後荆塗周世宗征淮以荆塗周二山爲濠州之分茅總列中都志聚朱三百年而太祖出誰披遼海圖入國下車三歎息有人稿項在菰蘆

客塗有懷吳中故人六首

王同知孟夙

衣鉢蕭然寄石盂又乘單舸上匡廬生平尚有
須眉在踪跡真成鶴鷺如蓮葉漏殘秋雨後菊
花香澹夜禪初郵亭莫笑奔趨數也是雲堂一
宿餘

李先輩長蘅

鎖院文章京雒塵篝燈每共話酸辛青袍奉母
誰如子席帽趨時自有人精舍繙經招淨侶晴
窻鬪墨赴閒身明年相約桃花水一笑清溪整
角巾

王僉事淑士

吳趨車馬競，遜喧中有幽人獨寤言。紅藥授書

懷北郭

葉水心居葑門教授紅藥被畦

青燈讀易想南園

南園元儒

寓與二公故居相近

齋心梵夾時繙閱抱膝

長編自討論安得丹鉛從所好與君風雪閑重

門淑士懷長蘅詩云彷彿共丹鉛深夜重門閑

文狀元文起

蕭然襤被出都城，此日班行繫重輕。不是翰林

增諫草誰令，天子放門生。堦前警鶴諳琴德，

竹裏遷鶯和友聲。綠浪紅欄佳麗地，思君白月

炤柴荆

周吏部景文

獨鶴雞羣自寡儔三閒老屋日西頭夜抽架筴
隨兒讀晨擷園蔬享婦羞共許清通持水鏡還
期淳朴挽風流三原舊事吾能記老嫗携錢出
買油

耿思裕云與王三原隣並每
夕見老嫗携數錢出買油也

鄭吉士謙止

疏草流傳重石渠身爲教學在田廬百篇自可
尋師友室還堪給埽除赤壁襟期風月笛台
州醞藉畫詩書耗磨歲月多能事莫遣蕭騷鬢
髮疎

寄嚴道徹太守二首

侍帝官如謫籍初一麾況復早縣車蒲團已悟
拈花案尺素爭傳倒薤書仙館巖厓君舊築樵
陽圖籍我新疏吳門採藥應相待侯棗陽桃好
共鋤

其二

朝班點罷卽仙班不出朱門亦閉關爲問君平
能市隱何如長史駐人閒銀筒大藥雲嘗護石
井神丹暮自還行過華陽重迴首如今烏目是
虞山

遇

真誥稽神樞淳于斟入吳烏目山中隱居
仙人慧車子授如景丹經陶隱居云吳

無鳥目山蓋徧志
鳥目山是虞山也

渡河題徐州官舫二絕句

白蓮妖賊勢衝波
列戍連營盡倒戈
辛苦徐州汪太守
心淵能將隻手障黃河

其二

罪臣交頸寬刀鋸
上有詔賞遼東經撫曰侍以不死
偏網羅漢法自來難
置喙匈奴未滅可如何

天啓甲子六月河決彭城
居民漂溺者數萬
余以季秋過之水尚與雉堞齊
方議改築悼復河之無人憂
改邑之不易停車感

歎而作是詩

亂山遶淮泗合沓圍彭門徐城居其中窪如處
覆盆黃河天上來蹴踏凌崑崙睥睨不敢前紆
迴避城垣惟帝懷明德圭璧有司存獄瀆守
嘗職馮夷聽要去言不然尋丈閒區區築籬藩
下捷復積薪胡能障河源今年六月初乙夜河
聲喧上天無纖雲大地忽倒翻樁撞堅堞隳泐
泐后土掀魚腹恣吞噬鯨鬣爭翩反老弱實胥
井襁褓褰芟根至今城頭上波浪猶汙汙麗譙
樓魚鼈樓櫓刻水痕潮汐迷昏旦日月磨精覓

卜云宜改建墨食惟高原已聞測圭景未能具
鍾畚古人重遷國詢謀及子孫徐城古如鐵南
北通舟轅面河距形勝扼險置戍屯誰與平足
定遷無乃巷議繁去歲地大震今者河橫奔天
潢溢砥柱地軸搖厚坤東師猶在野西寇時決
蹠狐狸滿四野虎豹守九閭爛羊費官爵寵鶴
多乘軒諄復布譴告天意良有存改邑與改井
瑣屑安足論我聞宋熙寧河決澶淵村老守夜
行呼河伯迴併吞魏莪黃樓下十丈建旗幟吾
君神且聖側目憂元元百神咸受職河神其

敢喧小臣司紀載欲敘筆已髡願誦河復詩浩
歌達至尊

聞山東賊平喜而書驛壁代書示顧伯欽
小儀

道梗初爲行旅憂路岐頻向候人謀喜聞直北
關河信已說山東盜賊收便可脂車通上國不
須枉道過中州題詩爲報平安字濁酒知君倒
一甌

次陶給事路叔驛壁韻

攬鏡髭須非故吾匡時曾展一籌無道塗碌碌

疲牛馬林薄閒閒樂鳥鳥碧血有人埋死骨事主
萬煥杖死黑山何日罷征夫還愁巨浸連鄉邑十月
敲門吏索租

雨中過清流關

雨氣微茫積翠分旋粧行路景氤氳僧携簞笠
穿紅樹人坐籃輿度白雲古碣墮樵衝水下空
林落葉隔溪聞鄉心不耐關山笛又聽鐘聲報
夕曛

夜過磨盤嶺

積靄沉沉雨氣繁亂山行盡又黃昏深林人語

喧孤戍小院經聲出暮邨攫食饑烏心未飽識
塗老馬足堪捫磨盤嶺下千盤路頭白經過始
斷魂

王師二十四韻

六月王師捷東方息鼓聲潢池皆赤子京觀卽
黔黎割剝緣肌盡誅求到骨齊相將持梃挺只
似把鋤犁大將兵符集中原戰馬嘶可憐禽狗
鼠還與僂鯨鯢免已無餘窟羊偏畏觸牴偵猶
煩地穴攻亦舞衝梯賊縛加鉤索師還布蒺藜
塹溝填老弱竿槊貫嬰兒血併流馬谷屍分踏

作谿殘膏腥竈井枯馘挂棠梨處處懸人腊家
家占鬼妻虎饑悵亦泣人立豕能啼穴頸同蒿
艾剗腸見草稊旋風來凜凜哭鬼去淒淒虛市
稀烟突鄉鄰斷大雞暗行燐自炤春作醬成泥
兵候天猶慘荒郊日易低停車心悄悄不寐夜
栖栖寇滅欣彈指奴強恐噬臍天心留儆戒人
事識端倪廟算紆籌策王功費品題豐碑竝崇
廟矗矗夕陽西

題滕縣趙宰

邦清

祠堂辛酉春趙有書遺

余譚滅奴方略征播州以勤死

立馬荒祠下祠門噪晚鴉
播州新裏革滕縣舊栽花
拱壁踉蹌鼠書牆詰曲蝸
遺編論東略開篋重咨嗟

新嘉驛壁和袁三小修題
會稽女子詩紅粉誰人省
識真試臨青鏡已傷神
還愁著眼難分別取次先
過妬婦津

其二

零落風光哀怨人銀鈎玉
筋一時新可憐和墨千行
淚也作郵亭十丈塵

其三

五湖煙水興茫然塵劫何因問宿緣他日海山尋伴侶洞天深處劈瑤牋

題初祖折蘆圖

一葦飄然截衆流廓然無聖語誰酬金陵夜雨嵩山雪白馬青絲出壽州

牧齋初學集卷第三

歸田詩集上

起天啓五年乙丑盡六年丙寅

天啓乙丑五月奉詔削籍南歸自路河登舟兩月方達京口塗中街恩感事雜然成詠凡得十首

破帽青衫出禁城
主恩容易許歸耕
趁朝龍尾還如夢
穩臥牛衣得此生
門外天涯遷客路
橋邊風雪蹇驢情
漢家中葉方全盛
五噫何勞歎不平

其二

罷免休嗟白髮重軟紅塵土尚攀鬆朱絃宛轉
班清廟天仗森嚴坐辟雍東觀青編時偃仰西
清黃繖日從容他年春雨犁鉏後一一軒渠詫
老農

其三

雙鬢飄蕭類轉蓬布帆無恙向江東豈知路鬼
椰榆日猶借河神舶棹風舟抵甲馬營余禱於金龍神有反風之異
遠駕那須存老馬高飛誰與弋冥鴻江天回首
真寥廓不礙微雲綴碧空

其四

已分班聯隔鷺鴻祇應伴侶託魚蟲故書堆可
當長枕今雨軒如在短蓬數卷丹鉛還老子
兩朝朱墨付羣公余懽書舟中草開國功臣事略時方掎擊三案議改正
光廟寶錄汗青頭白君休笑漫擬千年號史通新莽時封
司馬遷爲史通子

其五

世情炎冷日相交堅坐渾如看叫喚去燕來鴻
俱作客拙鳩巧鵲總營巢行藏漫欲紆三宿消
息真當玩六爻已分灰心思學道奪官何必怨
譏嘲

其六

塵世榮枯通與苓蜀莊祇合老沈冥麟游不省
戕胎卵龍鬪何知及蠅螟心靜六時聞刻漏眼
明五嶽見真形江天雲物清明候或有人看處
士星

其七

齊物粗知蒙邑書詎應戴笠羨乘車敝冠何意
彈新沐脫髮誰能戀曉梳身隱不須言放逐時
清未可廢樵漁耦耕舊有高人約帶月相看並
荷鋤

謂程孟陽也

其八

數載奔波苦骨皮除名於我亦相宜已輸勇退
成高尚更可書空作笑資去國尚占台鼎宿用
眉山去位事視師難問玉關期高陽請入觀之
以指時相累疏求去不許閒身贏得無餘事徙倚舡窻自咏詩

其九

單舸衝風滯楚州淮陰南下又無舟誰人解唱
公無渡對此真令我欲愁黑浪粘天排宋鷁赤
雲夾日炙吳牛頻年跨下橋邊水炤我勞勞已
白頭

其十

幾番江頭問渡時卽今真箇是歸期夕陽京口
橫漁艇細雨新豐颺酒旗林鳥自應欣宿早山
雲尚恐笑歸遲素衣莫歎緇塵化短髮依然舊
鬢絲

渡淮聞何三季穆之計賦九百二十字哭
之歸而酹酒焚諸殯宮以代哀誄

今年罷官歸太歲在乙丑端陽發潞河盛夏過
界首家僮遠來迎衝炎裹糧糗山妻書一紙頗
問平安不楮尾一二行歌邪字難剖似言旬月

閒失我平生友摩娑以爲無瞪視良復有熨眼
添昏花撞胃類杵臼呼童細問之老淚迸如瀉
吾友生東海松栢出培塿少小凌輩行長成壓
儕耦譬如眉著面又若冠戴首江山胃鬱蟠蛇
龍筆劬繆讀書富等身賦詩捷义手心恥章句
蠹目笑儒生鯁讀史竄豕魚注經理蝌蚪卓犖
故不羣經濟雅自負貫穿貴與前畋漁漁仲後
大事窺掌故小物識雜糅制度令甲乙職官志
誰某東南水溝洫西北旱田畝食貨紛權鹽河
渠費堰帝往往窮源本一一貫樞紐尤諳將相

略能發功利鄙嫌疑決毫釐支離削駢拇世事
供涕唾流俗喪械杻求志良已奢用我挾以走
皇皇著作庭濟濟俊人數引君著其閒夫亦何
惡忸四十誤儒冠變奇不成偶揣摩雙鬢絲射
策寸心嘔面顏委塵土文章付矇眊轉喉已觸
諱鞠躬亦蒙咎雉羅罹無時雀角獄再梏蜀犬
爭自吠晉焚或有噬悻悻孤憤盈戚戚憂生久
一從吾黨游磁鐵永相取誰誦然宿火清言酌
昔酒寒燈吐殘花春盤薦新韭夜雨泊小舟明
星坐高阜陶陶移日夜忽忽過卯酉石渠滋同

異堅城互攻守史家訂朱墨文苑薤穰莠破愁
仗酒兵白戰啓辯牘角逐急追逋歡喜快爬垢
拍案豈好辯絕倒呼善誘屏風僵倦僕鄰牆起
睡叟伊余苦顛蒙乘馬不知牡以友爲鞭策頻
年賴擊扣傲兀喜見君敝衣不掩肘長風起青
蘋高霜肅蒲柳摧頽塌翼時使我氣亦陡辯博
開心蒙堅彊剝顏厚直諒而多聞夫誰出君右
去年京江別臨分出苦口自言星星髮不紆若
若綬室無伶玄妾家有馮衍婦功名今已矣歸
與老覆釜

君墓田在覆釜山虞山支山也見高僧傳

明發易前期豈

謂訣尊由宦海多喧逐世運值陽九憂憂上竿
魚蒙蒙喪家狗尚期與親串笑談共疏藪斯人
今不存有酒誰鼓缶俯仰一凄斷哀歌向南斗
嗟君不遇時被褐泣瓊玖習習烏觸籠圍魚
在笥孤生嘗坎壈高步忤夷醜躍馬悲生髀引
弓志中鵠國論憂沸騰戎索憤踐蹂憲櫺圖九
塞藜藿念三后視天信夢夢閔人實恻恻云
胡信宿聞鬼伯坐相趣盛年顧日景壯志蔽牆
輒籌策罷東略簡編絕西狩巫陽逝不招靈璫
邈難叩高高不可論耿耿何時朽意者視不舍

無乃樞或吼疆死能爲厲前志豈云苟聞君病
彌留危坐視拱枵清明飭衣巾暇豫戒朋舊室
家本逆旅兒女同轂轂逝將歸樂土相與宿春
果從茲離怨親况乃念謨詒裝嚴辦早發夜盡
罷干揶快若辭穿絡行矣脫繩糾知幻剖膠革
觀空餉瓶甌報盡期種蓮瞋忘豈入藕荆凡無
喪存彭殤何夭壽是夢本非真一覺了不受哀
哉蠅蚋羣競此糴貉公死已醒吟嚙生猶歎于
喁斯言吾亦贅君其笑寔數

次韻答徐大于王謝餉參之作

自從失清河人，獲價騰貴，金繒市久絕。包茅貢
不至，桓桓毛將軍，單師與虜對。來獻皮島捷，數
莖遠將寄。周德方休明，楷矢在篋笥。藥物可託
諷，肉食豈知媿。頃聞柳河敗，惓惓夜不寐。綖茲
包蕭歎，感彼葛藟庇。憂心自煎熬，服食轉顛顚。
聊以詒吾友，珍重靈草視。臭味敢差池，甘溫庶
同類。佇看復舊遼，貂參滿內地。載約賡此章，共
拜吾君賜。

贈星士

澆書攤飯醉，仍眠任運騰。騰信往緣萬事，未曾

惟有死此生自斷豈繇天宿醒已過一千日小
駐還須五百年更進一籌君識否海山堯率正
茫然

依韻答江上李貫之

雀喧鳩聚亦泐泐寂莫秋江媿臥龍有北已知
人共界東家何意子爲恭憂時君比張平子埋
炤吾懷阮嗣宗席帽山頭相憶處秋風茅屋捲
三重

投老

丙寅閏六月廿一日

投老經年掩草門清齋佛火自晨昏衣裳旋覺

生
卷之二十一
一
蜉蝣改籬落頻看木槿繁時至雄風生左角夢
迴斜日炤西垣水邊林下君知否定有高人一
笑論

惆悵詞三首

清切吳音和梵音殘經晚院影沈沈含嬌欲共
荷花語寂寂誰知不染心

其二

羅袖當風憶舞腰雙蛾不逐黛痕銷雲鬟霧鬢
依稀在只是冰心未許描

其三

秋風偏向夜窻清一片銀河畫不成俗殺陳王
神女賦月明吹作步虛聲

步虛聲陳思王所作

蛺蝶詞四首

一庭花霧晝冥濛蛺蝶雙飛逐好風依約黃簾
還繡幙可曾飛過宋家東

其二

顛倒鴛鴦手自裁封題重疊又頻開生憎蛺蝶
非青鳥却放雕籠鸚鵡來

其三

倚盡疏窻十二闌愁腸不似帶圍寬春光殢殺

閒庭院蛺蝶雙飛也作團

其四

小院迴廊日漸西雙雙戲影共萋迷春風自愛閒花草蛺蝶何曾揀樹棲

小至夜翁孝先兄弟挈舟相邀與寇白泥飲

銀燭何煩炤豔粧十眉端合坐生光白頭未可妨歡笑紅粉猶能怒酒狂桃葉話殘人似夢鶯歌聞罷夜還霜明朝發興拌泥飲莫放愁隨一線長

寇白

雙髯輕攏首未膏風懷約略比春濤問名欲傍
香山柳得姓還從萊國桃慵倚晚粧殘畫燭愛
翻新曲倚檀槽褰帷泛瑟吾能賦莫謂閒情不
似陶

程將軍

相如挽詞

據鞍橫海劇論兵柳市花宮任借名三矢何曾
悲老大用廉頗事一錢豈但直生平用程不識事歌姬零
落吹簫去門客淒涼乞食行至竟英雄埋骨處
白楊塞草亦蕪城

瞿五丈星卿挽詞四首

尚書神道儼儀刑閣老文章炤汗青

福清少師爲作墓銘

三世簪纓存舊德百年篋衍見遺經山中尚想

瞿劬叟

瞿劬見晉書隱逸傳海虞人沒塘得其墓刻磚云葬於此

天上仍看

傳說星夢裡駁娑何處所良嘗知己勒新銘

君嘗

夢前身爲
駁娑殿主

其二

少年民譽已清流晚節孤風更寡儔宦况蕭閑
如漫叟家居恭謹類恬侯畦蔬過雨親芟擷書
草篝燈重勘讎歎息斯人今不作琴簪自上鈞

魚舟

其三

湖重岡複草芊眠鬱鬱西山好墓田馬鬣封塋
依丙舍兔園燈火記丁年存家笏是先朝賜誓
墓文應後世傳釣水遊丘連宰樹鄉人加敬拜
新阡

其四

衰鬢驚秋歎索居閑思朋舊轉蕭疎登朝劇喜
彈冠日投老相期汗簡餘君著皇明臣略月白
東臯頻命酒花深北郭共巾車西風老淚憑誰

灑寂寞空齋畫紙書

玉川子歌題玉川子畫像玉川子江陰顧
大愚道民也深目戟髯其狀如羽人劍客
遇道士授神行法一日夜走八百里居揚
舍市去江陰六十里人試之與奔馬並馳
玉川先至約十里許任俠喜施舍好奇服
所至兒童聚觀亦異人也

玉川子何弔詭朝游淮陰城暮宿吳門市萬迴
不足號千迴趙北燕南在脚底劉風怒生兩腋
邊蹇驢摺著巾箱裏閑衣褰高屐齒長須奴赤

脚婢白牛爲服乘駱駝背行李石猴小于拳檻
虎馴而跼儼如洪厓先生負戴共移居又如中
山老馱扶携出游戲市兒拍手羣追隨君亦蚩
蚩頗自哆今年六十五素絲披兩耳髮短心尚
長足縮踵猶跂我觀世人之行盡如馳熙熙穰
穰往來疾於矢爭名奪利死不休鍾鳴漏盡行
未已閒隨豎亥步天地忙與義和競刻畧君今
江頭老布衣胡爲乎芒芒奔波亦如此世路苦
偏側出門不容軌孟郊顰眉阮籍哭虎豹擇人
臙魅臺擇地徐行猶恐遭顛頓盡氣狂奔何以

避棘枳我昔盛年好馳騁今縛誅茆守蓬蘽香
篆縈簾閣不開凝塵蔽榻裘如委君之疾馳裹
糧重繭良已疲我方神游于徐欠伸猶未起漆
園雙蝶夢正甘華山五龍睡初美君歸來乎從
我游悔不與君折其趾圖中一叟類道者幅巾
黃綵著麻履權奇倣儻悶不見安閒蕭散差可
擬披圖展玩更對君乃知畫工有深旨同牀異
夢各不知坐起問景終誰是吁嗟乎君其善識
圖中意它年爲君作傳竊比方山子

休休歌示禪人漢月

休休休咄咄咄莫問胡天與漢月多開口饒敗
闕正好拈來一筆刷君不見牧齋老人太痴絕
不事叅禪不縛律天寒霜重苦不眠兩脚凍僵
如削鐵起來開尊斟美酒煖簇熏籠煨榾柮呵
手頻偎酥粉冒齧唇屢竊鸚哥舌擁被醺酣欲
上潮倒床鼻息如雷發日高三丈夢未醒憑君
有口如何說休休咄咄咄君家禪宗我不會
夜來燒却乾矢橛

蠟梅二首

羅浮曾見夢中身
髣髴新粧改麴塵
雀啁乍驚

三月露

嶺南薔薇露染衣輒黃山谷詩色染薔薇露

蜂歸暗簇十分

春染成宮樣宜金屋剪出花房惱玉真寂寂銅

瓶愁對汝扣門還憶縞衣人

其二

涪翁戲咏惱人香京雒居然壓衆芳風味爲君

傳譜牒晶明終自恨平章

蠟梅以山谷二詩盛於京雒山谷云花似

梅五出而不能晶明頗爲蠟梅減價

釵頭雪色消金縷帳底春心

啓蠟房莫以黃中笑梔貌

尤延之蠟梅詩梔貌寧欺我輩人

蠅今日遍江鄉

范石湖梅譜蠅梅品最下者俗謂之狗蠅

陸仲子移贈蠟梅二株次前韻爲謝

綠衣約略是前身
幻出宮粧不染塵
馨口半含
仍索笑檀心通體自生春
禪家漫說脾爲蜜
仙女休誇額點真
風物美君香閣裏
纖纖撚蠟對
佳人

其二

野外垂垂鎖暗香
移來庭院借君芳
蜜奴破雪
催春信蠟使衝寒拆
報章絳淺黃輕呈國色金
塗銅背締花房
寒梅瘦勁終難狎
只合溫柔老
是鄉

再疊前韻二首

萼萼依然託此身，生香迥自出埃塵。
凌寒數朶偏辭雪，映日千房各貯春。
霜女換青排冷豔，月娥暈白鬪清真。
移根漫說吳中譜，不信司花肯借人。

梅譜蠟梅經接者花疎其品最佳

其二

閒庭小院始

去

生香燭暗簾開，別有芳針縷黃。

緣爲侶伴步搖支，綬見文章麴衣綽約宜。
當夕黃裏依微恐退房，莫道南枝成別種。
歲寒誰共

白雲鄉

梅譜蠟梅本非梅類

薛丈饋大魚兼寄二絕句戲答

長魚發發帶冰脂想見寒江出網遲
放箸驩娛看一飽夜來風雪老漁知

其二

臥劒朝來割素髻金盤已見鱠如絲
當筵置食還三歎爲憶衝波跋浪時

寒夜聞姬人語戲作

衣篝寒覆五更霜枕畔車鳴夢許長
逐客并無員外置姬人猶說侍中郎
綠衣公論吾何恃紅粉流年汝未忘
漸喜花朝近生日擬裁致語慰淒涼

丙寅除夕

寂寂田家老瓦盆
歲時兒女共寒溫
流年已餞如過客
窮鬼頻除尚款門
夜靜曙光凝竹柏
窗虛雪色泛琴罇
殘燈側畔冠巾影
心跡憑誰子細論